



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

24. Dies Januarii. Nihil est in nos crudelius, nobis. Salvia I. de Gub. 8.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

24. DIES JANUARI.

Nihil est in nos crudelius, nobis.

Salvia. l. de Gub. 8.

Peccati I.
gravitas.

QUàm sit hæc tessera vera, liquebit, si quanta sit crudelitas peccati in nos, dum committitur à nobis, intelligamus. Rudia quædam proposui peccati, ut illud horreamus, lineamenta, necdum submoveo manum à tabula, ut tu removeas tot damna ab anima. Horret ipse horror, si perciperet omnia, quæ peccatum complectitur horribilia. Peccati malitiam, enormitatem, fæditatem nemo assequitur, nisi cui fidei divinæ radius affulserit, & quem gratia singularis extulerit in Deum. Nulla peccati justa mensura est, nisi Deus: Hujus ex dignitate, illius pensatur indignitas. Tam turpe est peccatum, quàm pulcher est Deus. Ut Deus continet omne bonum, sic peccatum continet omne malum eminenter. Offensa est, injuria est, contemptus est summi Boni, imò voluntas perdendi Deum, si perdi posset, eumque perimendi quidam conatus. Nunquam satis intelligitur peccatum, nisi satis intelligatur Deus. Ejus tamen gravitas ponderabitur à nobis, ex punishmentis, qua castigatum aliquando fuit severitate, ex remedii quo sanatum magnitudine: ex damnorum, quæ hominum, Angelorumque generi illata sunt æstimatione: ex pœnarum quas meretur æternitate, ex ipsa illius horribili deformitate.

H. Quid-

II. Quidquid mali concipis , vel potes concipere in hoc, & altero sæculo, vel peccatum est, vel poena, vel effectus peccati. Terrentne dæmones? peccatum ex Angelis catodæmones fecit. Terrentne mors? Peccatum genus humanum infecit, imò interfecit : inde mors, inde iudicium : inde inferna mala vitæ futura terribilissima : unico verbo, nullum est malum, quod vel ab homine timeri, vel ab Angelo conspici, vel à Deo inferri potest, quod non invexit peccatum. Nulla Dei ira, nullus Dei furor, nullum Dei odium existeret, si peccatum nullum esset. Age nunc; putasne injustum Deum, qui meta excedat æquitatis? putasne insipientem, qui quod peccato debetur, ignoret? Si infinitè justum, & sapientem credis, agnosce peccati gravitatem, & omnibus odiis detestandam turpitudinem, quod tot tantisve pœnis, & suppliciis tam sapienter, tam iuste castigatur. Ad hæc, peccatum maximè, & superiorem quàm dici aut credi potest, nocet peccanti, tam corpore, quàm in anima. Recito hîc damnorum omnium catalogum.

III. Nihil est in homine præclarum, aut nobile quod non aut inficit, aut evertit. Corpus sæpe morbis fœdat & enervat. Animæ vires debilitat, facultates vitiat, actiones depravat : Mentis lumen vel perdit, vel infuscat. Rationem appetitui, hoc est, dominam honestissimam nequissimæ subijcit ancillæ. Inquinat voluntatem, & à bono alienam, ac adversam reddit. Perturbationibus ferocissimis, quasi effrænibus belluis, habenas laxat! sensibus intemperantissimis animæ satellitibus omnem licentiam indulget, & insaniendi libertatem. Hæc in peccante,

quid

Januar.

Tessera.

69

Nocet (mirum dictu) cælo, terræ, inferis ipsis peccatum. Cælites gaudio, quod ex hominum salute perciperent, privat. Sanctorum patrocinia cassâ, custodiam Angelorum inutilem reddit, Ecclesiam contristat, quæ vota, preces, laboresque suos irritos fieri, perdique filiorum animas, vehementer dolet. Fideles vel inficit pernicie, vel offendit exemplo. Infideles ad fidei, Religionisque contemptum provocat, Animas purgatorii pœnis detentas, optatis fraudat auxiliis. Damnatorum quoque pœna, numero reproborum fit auctior. Omnis denique miseria, omne malum à peccato est. Imò tanta est enormitas peccati, ut non potuerit tolli, nisi sublato è vivis Deo. Nec horreret Filius Dei iteratum crucis supplicium, si ad destruendum peccatum, id vel æquitas, vel amor postularet. Potuisset una sanguinis pretiosissimi gutta totam peccatorum abyssum mergere, si voluisset. Maluit morte crudelissima, totiusque sanguinis per acerbissimas pœnas, effusione, pacisci redemptionem; quo nobis exploratius, testatiusque fieret odium, quo peccatum prosequitur. Quid nunc tibi videtur? Fateri nunc, si non sit in confesso illa hodiernæ tesserae veritas. *Nihil est in nos crudelius nobis.* Quare si times pœnam, fuge culpam.

Nam

Culpa est pœna comes, fera mater, & effera proles.

* * *

* *

E

25. DIES